

Юридик шахслардан олинадиган ер солиғи, мол-мулк солиғи ва сув ресурсларидан фойдаланганлик учун солиқни ҳисоблаш бўйича

УСЛУБИЙ ТАВСИЯЛАР

Мазкур услубий тавсиялар Солиқ кодекси ва Ўзбекистон Республикаси Президентининг 2018 йил 29 июндаги “Ўзбекистон Республикасининг солиқ сиёсатини такомиллаштириш концепцияси тўғрисида”ги [ПФ-5468-сонли](#) Фармони ҳамда солиқ соҳасидаги бошқа қонун ҳужжатларига мувофиқ ишлаб чиқилган бўлиб, солиқ тўловчиларга:

- Юридик шахслардан олинадиган ер солиғи;
- Юридик шахслардан олинадиган мол-мулк солиғи;
- Сув ресурсларидан фойдаланганлик учун солиқни

ҳисоблаб чиқариш ва тўлаш мақсадида **амалий ёрдам бериш** учун **мўлжалланган**.



2019 йил 1 январдан бошлаб барча тадбиркорлик субъектлари, шу жумладан, илгари соддалаштирилган солиқ солиш тартибини қўллаган микрофирма ва кичик корхоналар ҳам ер солиғи, мол-мулк солиғи ва сув ресурсларидан фойдаланган тақдирда сув ресурсларидан фойдаланганлик учун солиқни тўлашга ўтиши шарт!

I. Юридик шахслардан олинадиган ер солиғи қандай ҳисоблаб чиқарилади ва тўланади

Ер солиғини тўловчилар



Мулк ҳуқуқи, эгалик қилиш, фойдаланиш ёки ижара ҳуқуқи асосида ер участкаларига эга бўлган юридик шахслар



Мұхым:

күчмас мулк ижарага берилганды, ижарага берувчи ер солиғини түловчиси бўлади;

ер участкасидан бир нечта юридик шахс биргалиқда фойдаланган тақдирда, ҳар бир юридик шахс ер участкасининг фойдаланилаётган майдонидаги ўз улуши учун ер солиғини түловчи ҳисобланади.

Солиқ солишиш объекти

Мулк ҳуқуқи, әгалик қилиш, фойдаланиш ёки ижара ҳуқуқи асосида юридик шахсларда бўлган ер участкалари.

Солиқ солинадиган база

Солиқ кодексига мувофиқ солиқ солинмайдиган ер участкалари майдонлари чегириб ташланган ҳолдаги умумий ер майдони.

Солиқ ставкалари қандай аниқланади

Ер солиғининг ставкалари ер майдонининг жойлашган жойига қараб аниқланади.

Ер солиғи ставкалари Ўзбекистон Республикаси Президентининг ҳар йилги асосий макроиктисодий кўрсаткичлар прогнози ва давлат бюджети параметрлари тўғрисидаги қарори билан тасдиқланади.

Ер солиғи қандай ҳисоблаб чиқарилади

Ер солиғи солиқ даврининг 1 январь ҳолатига кўра ҳисоблаб чиқарилади.

Бюджетга тўланиши лозим бўлган ер солиғи суммаси қуйидаги тартибда аниқланади:

$$EC = CCB \times CC \times K$$

Бу ерда:

EC – ер солиғи суммаси;

- ССБ** – солиқ солинадиган база (*ер майдони, гектар*);
- СС** – солиқ ставкаси;
- К** – тузатувчи ва *ер майдонини марказларга яқин жойлашувига қараб құлланиладиган коэффициент*.

Мисол: “Sharq” АЖ *ер солиги* суммасини умумий майдонни солиқ ставкасига күпайтириш орқали ҳисоблаб чиқаради.

$$\text{ЕС} = 1,2 \text{ гектар} \times 78\ 705\ 281 \text{ сўм (3-зона)} = \mathbf{94\ 446\ 337 \text{ сўм}}$$

ер майдони

солиқ ставкаси

солиқ суммаси

Ер солиги ҳисоб-китобини тақдим этиш ва солиқни тўлаш муддати

Ер солиги ҳисоб-китоби жорий солиқ даврининг 10 январига қадар тақдим этилади.

Юридик шахслар томонидан ер солигини тўлаш ҳар ойнинг 10-кунига қадар ер солиги йиллик суммасининг 1/12 қисми миқдорида амалга оширилади.

II. Юридик шахслардан олинадиган мол-мулк солиги қандай ҳисоблаб чиқарилади ва тўланади

Мол-мулк солигини тўловчилар

- Ўзбекистон Республикаси ҳудудида солиқ солинадиган мол-мулкка эга бўлган юридик шахслар - Ўзбекистон Республикасининг резидентлари;
- Ўзбекистон Республикаси ҳудудида ўз мулкида кўчмас мулкка эга бўлган юридик шахслар - Ўзбекистон Республикасининг норезидентлари.

Солиқ солиши объекттер

-  Күчмас мулк, шу жумладан молиявий ижара (лизинг) шартномаси бўйича олинган кўчмас мулк;
-  Тугалланмаган қурилиш объектлари;
-  Белгиланган муддатда ишга туширилмаган асбоб-ускуналар.

Солиқка тортища имтиёзга эга бўлган мол-мулк Солиқ кодексига мувофиқ солиқ солиши объектига киритилмайди.

Мол-мулк солиғи ставкалари

Амалдаги солиқ ставкаси мол-мулк йиллик қийматининг 5% миқдорида белгиланган.

2019 йил 1 январдан бошлаб мол-мулк йиллик қийматининг 2% миқдорида белгилаш назарда тутилган.

Солиқ солинадиган база қандай аниқланади

Солиқ солиши объектларининг ўртача йиллик қолдиқ қиймати солиқ давридаги ҳар бир ойнинг охирги кунидаги ҳолатга кўра солиқ солиши объектларининг қолдиқ қийматларини (ўртача йиллик қийматларини) қўшишдан олинган сумманинг ўн иккidan бир қисми сифатида ортиб борувчи якун билан аниқланади.

$$\text{ЎЙҚҚ} = (n_1 + n_2 \dots + n_{12}) / 12$$

бу ерда:

ЎЙҚҚ - ўртача йиллик қолдиқ қиймат;

n - ойнинг охирги кунига солиқ солиши объектлари қолдиқ қиймати;

Мисол: “Sharq” АЖ асосиүү воситаларнинг ўртача йиллик қийматини аниқлаш учун ҳар ойлик қолдиқ қийматларини құшиш ва 12 га бўлиш билан ҳисоблаб чиқарилади.

Солиқ суммаси қандай ҳисоблаб чиқарылады

Мол-мулк солиғи қуийдаги формула асосида ҳисоблаб чиқарилади:

$$M_{MC} = CSB \times CC$$

бу ерда:

МмС – МОЛ-МҮЛК СОЛИГИ;

ССБ – солиқ солинадиган база;

СС – солиқ ставкасы.

Мисол: “Sharq”АЖ мол-мулк солиғини асосий воситаларининг ўртача йиллик қиymатини солиқ ставкасига кўпайтириш йўли билан ҳисоблаб чиқаради.

$$\text{МмС} = 5\ 229\ 183,6 \text{ минг сўм} \times 5\% = 261\ 459,1 \text{ минг сўм}$$

ЎЙҚҚ ставка солиқ сүммасы

Норматив муддатда тугалланмаган қурилиш объектлари бўйича мол-мулк солиғи икки баравар ставкада тўланади.

Мол-мулк солиғи ҳисоботи қайси муддатларда тақдим этилади

Солиқ ҳисоб-китоби йилда бир марта, йиллик молиявий ҳисобот топшириладиган муддатда – ҳисбот йилидан кейинги йилнинг 15 февралядан кечиктирмасдан тақдим этилади.

Мол-мулк солиғи қандай тўланади



Солиқ даври мобайнида солиқ тўловчи юридик шахслар мол-мулк солиғи бўйича жорий тўловларни тўлайдилар.

Жорий тўловлар микдорини ҳисоблаб чиқариш учун солиқ тўловчилар жорий солиқ даврининг 10 январигача (*янги ташкил қилинганлари эса давлат рўйхатидан ўтказилган санадан эътиборан 30 кундан кечиктирмай*) мўлжалланаётган солиқ солинадиган базадан ва белгиланган ставгадан келиб чиқсан ҳолда солиқ суммаси тўғрисидаги маълумотномани тақдим этадилар.


Жорий тўловлар микрофирмалар ва кичик корхоналар томонидан - мол-мулк солиғи йиллик суммасининг тўртдан бир қисми микдорида йилнинг ҳар чораги учинчи ойнинг 25-кунидан кечиктирмай;

микрофирмалар ва кичик корхоналар жумласига кирмайдиган солиқ тўловчилар томонидан - йиллик суммасининг ўн иккidan бир қисми микдорида ҳар ойнинг 10-кунидан кечиктирмай амалга оширилади.

Солиқ даврида тўланиши лозим бўлган солиқ суммаси жорий тўловлар ҳисобга олинган ҳолда, ҳисоб-китобни тақдим этиш муддатидан кечиктирмай бюджетга ўтказилади.

III. Сув ресурсларидан фойдаланганлик учун солиқ қандай ҳисоблаб чиқарилади ва тўланади

Кимлар сув ресурсларидан фойдаланганлик учун солиқ түловчилар ҳисобланади:



юридик шахслар - Ўзбекистон Республикаси резидентлари;

фаолиятини доимий муассаса орқали амалга ошираётган Ўзбекистон Республикаси норезидентлари.

Солиқ солиш объекти

Ер усти ва ер ости манбаларидан олиб фойдаланиладиган сув ресурслари.

Солиқ солинадиган база қандай аниқланади

Ер усти ва ер ости манбаларидан олинган ва фойдаланилган сувнинг ҳажми (куб метр), белгиланган солиқ имтиёзларини, улар бўлган тақдирда, чегирган ҳолда солиққа тортиладиган база ҳисобланади.

Солиқ солинадиган база қуийдагича ҳисоблаб чиқарилади

$$\text{ССБ} = \text{СРХ} - \text{ССБК}$$

бу ерда:

ССБ – солиқ солиш базаси;

СРХ – сув ресурслари ҳажми (куб метр);

ССБК – солиқ солинадиган базани камайтириш.

Бунда, солиқ солиш базаси фойдаланилган сув ресурсларининг жами ҳажмидан Солиқ кодексининг [261-моддаси](#) ҳамда бошқа қонун хужжатларига мувофиқ озод этилиши ҳамда чегирилиши белгиланган муайян ҳажмларни айирган ҳолда ҳисоблаб чиқарилади.

Сув ресурсларининг ер усти ва ер ости манбаларидан олинган сув ҳажми ўлчагич асбобларининг кўрсаткичлари асосида аниқланади.

Сувдан ўлчагич асбобларсиз фойдаланилган тақдирда, унинг ҳажми сув объектларидан сув олиш лимитларидан, сув истеъмолининг технологик ва санитария нормаларидан ёки маълумотларнинг тўғрилигини таъминловчи бошқа усувлардан келиб чиқсан ҳолда аниқланади.

Сув ресурсларидан фойдаланиш ҳисобини юритиш талаблари

Ер усти ва ер ости манбаларидан олиб фойдаланилган сув ресурслари ҳажмлари ҳисоби алоҳида-алоҳида юритилади.

Иккита манба - ер усти ва ер остидан сув келадиган водопровод тармоғидаги сувдан фойдаланилган тақдирда, солиқ солинадиган база манбанинг ҳар бир тури бўйича алоҳида-алоҳида аниқланади.

Сув етказиб берувчи корхоналар сув ресурсларини ер усти ва ер ости манбаларига тақсимлаш маълумотларини жорий солиқ даврининг 15 январига қадар тақдим этишлари керак.

Ижара обьекти бўлган жойларда сув ресурсларидан фойдаланганлик учун солиқ солиш базаси қандай аниқланади

Биноларнинг бир қисми, алоҳида жойлар ижарага топширилганда (олинганда) солиқ солинадиган база сув етказиб берувчи юридик шахс билан шартнома тузган ижарага берувчи (ижрага олувчи) томонидан аниқланади.

Сув ресурсларидан фойдаланганлик учун солиқ бўйича қандай имтиёзлар мавжуд

Сув ресурсларидан фойдаланганлик учун солиқ бўйича солиқ имтиёзлари Солиқ кодексининг [261-моддаси](#) ҳамда бошқа норматив-ҳукуқий ҳужжатлар билан белгиланади.

Солиқ ставкалари қандай

Сув ресурсларидан фойдаланганлик учун солиқ ставкалари тегишли молиявий йил учун белгиланган бюджет-солиқ сиёсати асосида қабул қилинадиган Ўзбекистон Республикасининг тегишли йилга мўлжалланган асосий макроиқтисодий кўрсаткичлари прогнози ва давлат бюджети параметрларига доир Ўзбекистон Республикаси Президентининг қарори билан тасдиқланади.

2018 йил учун солиқ ставкалари қуйидагича белгиланган:

Т/р	Тўловчилар	1 куб метр учун ставка:	
		ер усти сув ресурслари манбалари, сўм	ер ости сув ресурслари манбалари, сўм
1	Иқтисодиётнинг барча тармоқлари корхоналари (2-4-бандларда кўрсатилганларидан ташқари), дехқон хўжаликлари (юридик ва жисмоний шахслар), шунингдек тадбиркорлик фаолиятини амалга ошириш жараёнида сув ресурсларидан фойдаланадиган жисмоний шахслар	98,2	124,8
2	Электростанциялар	28,4	42,2
3	Коммунал хизмат кўрсатиш корхоналари	53,9	69,7
4	Алкоголсиз ичимликлар ишлаб чиқарувчи корхоналар:		
	- алкоголсиз ичимликларни ишлаб чиқариш учун фойдаланиладиган сув ҳажми бўйича	15 870,0	15 870,0
	- бошқа мақсадларда	98,2	124,8

Солиқ суммаси қандай ҳисоблаб чиқарилади

Сув ресурсларидан фойдаланганлик учун солиқ суммаси солиқ солинадиган база ва белгиланган ставкалардан келиб чиқиб қуйидаги формула бўйича ҳисобланади:

СрфуС = ССБ x СС

бу ерда:

СрфуС – сув ресурсларидан фойдаланганлык учун солиқ;

ССБ – солиқ солиш базаси (сув ҳажми, м³);

СС – 1 куб м учун белгиланган солиқ ставкаси.

Мисол: “Sharq” АЖ сув ресурсларидан фойдаланғанлиги учун солиқ суммасини йил давомида истеъмол қилған сув ҳажмини солиқ ставкасига күпайтириш билан ҳисоблаб чиқаради.

СрфуС = 5 000 куб метр (шундан, 3600 м³ ер усти, 1 400 м³ ер ости) x

сув ҳажми

сув ҳажми, манбалар бўйича

300 сўм (ер усти), 360 сўм (ер ости) = 1 080 000 сўм, 504 000 сўм = **1584000 сўм.**

солиқ ставкаси, ер усти ер ости ер усти ер ости солиқ суммаси

Сув ресурсларидан фойдаланғанлик учун солиқ қандай ҳисобланади ва тўланади



Солиқ даври мобайнида солиқ тўловчи юридик шахслар сув ресурсларидан фойдаланғанлик учун солиқ бўйича жорий

Солиқ тўловчилар жорий солиқ даврининг 25 январигача (янги ташкил қилингандар томонидан - давлат рўйхатидан ўтказилган кундан эътиборан 30 кундан кечиктирмай) мўлжалланаётган солиқ солинадиган базадан ва белгиланган солиқ ставкаларидан келиб чиқсан ҳолда жорий тўловлар тўғрисида маълумотномани тақдим этадилар.

Солиқ даври мобайнида юзага келган мажбуриятлар бўйича солиқ суммаси тўғрисидаги маълумотнома мажбурият юзага келган санадан эътиборан 30 кундан кечиктирмай тақдим этилиши лозим.

Солиқ даври мобайнида мўлжалланаётган солиқ солинадиган база ўзгарган тақдирда, солиқ тўловчи сув ресурсларидан фойдаланганлик учун солиқ суммаси тўғрисида аниқлаштирилган маълумотнома тақдим этишга ҳақли.

Бунда, солиқ даврининг қолган қисми учун жорий тўловларга сув ресурсларидан фойдаланганлик учун солиқнинг ўзгариш суммасига тенг улушларда тузатиш киритилади.

Жорий тўловлар ва солиқ қайси муддатларда тўланади

Солиқ даврида солиқ суммаси ЭКИҲнинг 200 бараваридан кўпни ташкил этадиган юридик шахслар томонидан - ҳар ойнинг 25-кунидан кечиктирмай, йиллик солиқ суммасининг ўн иккidan бир қисми миқдорида тўланади.

Солиқ даврида солиқ суммаси ЭКИҲнинг 200 бараваридан камни ташкил этадиган микрофирмалар ва кичик корхоналар жумласига кирмайдиган юридик шахслар - йилнинг ҳар чораги учинчи ойнинг 25-кунидан кечиктирмай, солиқ йиллик суммасининг 1/4 қисми миқдорида тўлайди.

Солиқ ҳисоб-китоблари қайси муддатларда тақдим этилади

Сув ресурсларидан фойдаланганлик учун солиқ ҳисоб-китоби сувдан фойдаланиш ёки сув истеъмоли жойидаги давлат солиқ хизмати органларига йилига бир марта - йиллик молиявий ҳисобот тақдим этиладиган муддатда тақдим этилади.